

## 《雜阿含 277 經》

大正 277/印順 400/佛光 276 (入處 SN35.97,98)

如是我聞：一時，佛住舍衛國祇樹給孤獨園。

爾時，世尊告諸比丘：「有不律儀、律儀，諦聽！善思！當為汝說。

云何不律儀？

眼根不律儀所攝護，眼識著色，緣著故，以生苦受；苦受故，不一其心；不一心故，不得如實知見；不得如實知見故，不離疑惑；不離疑惑故，由他所誤而常苦住；耳、鼻、舌、身、意亦復如是，是名不律儀。

云何律儀？

眼根律儀所攝護，眼識\*色，心不染著；心不染著已，常樂(受)住；心樂住已，常一其心；一其心已，如實知見；如實知見已，離諸疑惑；離諸疑惑已，不由他誤，常安樂住；耳、鼻、舌、身、意亦復如是，是名律儀。」

佛說此經已，諸比丘聞佛所說，歡喜奉行。

dukkha dukkhasamudaya dukkhanirodha dukkhanirodhagamini patipada